

中國方志叢書·華北地方·第一〇二號

據清宣統三年石印本影印
清施景舜等纂修

河南省

項城縣志
(一)

成文出版社印行

項城縣志

宣統三年重修

太歲在闕逢

攝提格石印

重修項城縣志叙

邑何以有志：政治之書也。是曰作志之體。雖取法乎史，漢其精義，實祖述周官，不特司會所掌之版圖，為後世圖經之祖，外史所掌四方之志，為郡縣志彙所由昉而已。其志及天文

安異則馮相保章氏之遺也志及地
理又司徒之官與職方氏之所掌也司
徒之職即次于天官故志田賦春官
所掌莫大於祭祀故志祠祀學校
有志雖規模大小不同其亦大司樂所
掌成均之濬之遺制歟選舉有表

則鄉大夫所上賢能書之貳也蓋自
學校之政不修而選舉之途不足以盡
收得人之效於是後世史家者流復
旁搜博採傳及人物誠亦有不得不然
者國之大事在祀與戎此司馬所目並列
為六官也則兵防之志官急水利於民生

尤重此匠人一職所以足補冬官之闕與
則溝渠之志宜詳至於志藝文論著
則亦外史所掌之書也附及詩歌又太
師陳詩之遺意存焉蓋政治之大綱
具於是矣於序志豈易言哉今觀是
書於地理河渠二志則詳悉備載利

害昭然於祠廟志則釐定不苟於人
物志則微賤不遺片長必錄若深慨
夫選舉之未盡得人由學校不修
有以致之者於文麗藻二志則評論
允當搜採靡遺其用心可謂勤矣然
尚恨有關者田賦之志略而未詳則無以

昭大信而示畫一之軌營汛兵弁之設
寨堡之築與夫古今兵事之及於邑境
者以及近日清鄉守望之法宜類聚之
以爲兵防志今亦畧焉是於周官政治
之大綱尚有所未備也於序志豈易
言哉迴憶鎮芳龔齒時家嚴持所

撰三鷄路攷一篇親為講解並謂舊
志缺誤甚多適諸父老方擬續修袁
文誠公慨捐鉅貲聘吳禾笙先生主纂
越數歲而吳赴修文其子甫八九齡將志
稿襍於故紙堆中全行散失迨光緒乙
未鎮芳奉譚回里託友人以五十金至吳

宅購覓而隻字無存每與同志言未嘗
不引以為憾嗣因供差農部旋調北洋
榷泛萍飄幾無定所修志之事無人肯
談及濫竽長蘆公餘之暇娛情圖籍
稗官野史時亦參觀而眷念鄉邦懇
文獻之無徵也又恐如前所局攤捐築

室道謀之動多異議也於是糾約諸
至契分任其勞楊君仲唐總攬
大綱至北初張鼎實于蒲宸閭
源諸君各擔搜輯所需經費由鎮
芳獨力供給自辦私囊前年視事
汴垣函商仲唐假所買周口新房潛

心校對且囑測繪局一二高等生查
勘河渠研究四五年居然彙集
成帙復敦請施君虞霖攷歷朝之
沿革正舊志之譌謬別類分門逐加
潤色現欲付石印促鎮芳并諸簡端
夫縣志之失修近二百年矣其間湮

沒不彰者何可勝道今幸竣事實
獲我心竊喜諸君不憚之功得成
先達未竟之志後有作者可以取資謂
為我輩私自著書也可謂為我輩公諸
同好也亦可至於品題或有未當義
例或有未嚴即康武功亦不能免人之

可論於序
志豈易言哉
邑人張鎮芳序

修志姓氏

總裁

署理直隸總督北洋大臣

張鎮芳進士

提調

項

城

縣

知

縣

劉

鎔

山西平遙拔貢

項

城

縣

知

縣

朱寶璇

浙江嘉興進士

項

城

縣

知

縣

朱名炤

山東平陰翰林院庶吉士

度

支

部

郎

中

廩

貢

張錦芳

鑒定

五品銜禮學館顧問官固始縣教諭己丑恩科舉人楊凌閣

纂修

癸

卯

恩

科

舉

人施景舜

睢州